



Obavljeni pretresi u USK-u

## Pritvor za švercere

Za Adnana Aličića iz Ključa i Darka Vukovića iz Banje Luke, koji su uhapšeni u akciji kodnog imena Bond, zbog međunarodnog šverca cigareta, Tužilaštvo BiH je jučer Sudu BiH uputilo prijedlog za određivanje pritvora.

Pripadnici **SIPA** su Aličića i Vukovića uhapsili tokom akcije izvedene na širem području Ključa, Cazina, Zenice i Banje Luke. Uporedo su izvršeni pretresi četiri objekta koja koriste osumnjičeni.

Aličić i Vuković su osumnjičeni da su duži period tokom 2017. godine nabavljali cigarete poznate marke i veće tržišne vrijednosti na teritoriji BiH, te ih krijumčarili i prodavali na teritoriji Slovenije i Švicarske.

Provedenim istražnim radnjama u okviru ovog predmeta, do sada je privremeno oduzeto ukupno 1.850 šteka cigareta vrijednih oko 92.500 konvertibilnih maraka. Tužilaštvo BiH nastavlja intenzivnu istragu u ovom predmetu. **D. P.**